

安徽通志

8157

~~±91532~~

3442

地 230

391

部 101

安徽通志

序

職名

凡例

目錄

安徽通志

光緒三年
夏五重刊

序

聖人嗣極之三年皖重修通志
成壽山按軍咨予為之敘余維
皖於春秋特吳楚間隙地耳
彼一此惟強者是從求信宿之安
不可得自漢迄唐代有偉人而

重修安徽通志

序

淮南淮西及霍多變生斯土者
或逞其聰明材力囿於風氣而不
自知宋之南新安朱氏出挈洙泗
鄒澤淵源而歸之皖舉三代而
下率士之濱以家傑自命者鞠
躬屏息莫之敢爭則其山川之所

孕育明德之所積累多知其必有
異也有明龍興攀鱗附翼之英
里用相與豐沛南陽比烈我
朝中葉髮捨事起賢士大夫以兵
燹餘生為天下禦災捍患者湘始
之皖繼之皖之才縣海內安危者

坐數十年豈不感哉而壽山梅
軍猶致汲於微文考歎與都人
士京年累月遠紹南搜者其非
細羅散失震鐸古今之詞其詔道
統所寄前指非急叙剛健於粹
精實節制以仁義舉智名勇

功之士納諸賢闕聖域優乃游
焉讀紫陽之書而有餘思焉登
紫陽之堂而無愧色焉嗚呼遠矣
光緒三年丁丑五月五日

侯官沈葆楨謹敘



光緒三年夏五月重脩安徽通志局提調官莊守孫敏以書成見告凡為類十類之中歧為子目數十者為卷三百五十四可付剞劂于是距陶文毅之創脩之日閱五十年得寒暑矣當文毅接安徽

以皖邑專志爰創是舉始於道光癸未而成於咸豐方是時季

國家累葉治隆之時海內殷富考述激文從容討論文毅去而鄧嶰筠制軍繼之政事弗倦乃存別成一書魏始之江南江兩

行者並列爲三其志意可謂勤且
美矣自書成後用二十年而兵事
起安徽當吳楚徐豫之衝寇氛
瀕汨髮蹂於南捻熾於北列城數
十全者少能一二賴完備罕出守以
廟謨師武臣力勞馳角逐盡瘁

疆場首尾又幾二十年事乃大定
而余道奉


命陳臬是邦時新建吳竹莊方
伯權撫部懼兵燹之後久始放
失乃有重修通志之志承經始於
同治己巳而告成於己亥歲因念十

數年前全皖用兵重臣中臣為
朝廷宣力敵悖軍考旁午日晷
不遑以嘗有片刻之間從容文籍
閒哉而余乃蘇奉請以之及兵銷
時和得以考所激又如文毅時
其為皖人慶幸何如也文毅嘗

創情之始未竟事以多而余於
陳臬時即佐是役仰承

恩命晉領節鉞綿歷歲時而先
董其成殆視文毅尤有幸焉夫
季用兵之役纂績數十年之故
實博攷旁稽上以昭著名臣矣

得之豐功偉績下以表揚節而
涸羅度墜闡幽叢徽以慰邦人士
之心是巡撫之職也梓茲于是乎書
撫皖使者長白裕祿謹敘



通志政書也即列國之史也古者
國別為史若晉之乘楚之檮杌魯
之春秋皆是

國家建立行省以布政司綜郡邑
之政行之今者則為史事行之昔
者皆為掌故夷攷周制六官聯事

而受成於冢宰當時列國官守分
合略法王朝故今日中外政教自
六部以下逮六曹胥史皆本六官
遺意周官外史掌方志而古之所
謂行中書省攷官制者以布政司
當之然則舉措之宜責於布政司

古今之蹟備於通志質之經訓求
之成憲源流之合可案籍而稽也
安徽負江淮之勝面瀟霍之勢蓋
嶽瀆之雄邦也三國六朝衿喉控
制文武材用政治盛衰為天下安
危所繫與中原交錯而提挈之我

朝自今設巡撫後布政使亦還治
安慶始與江蘇江西目為三江壘
域之辨正官司之法守人物之殷
蕃財賦之出納安徽之志即安徽
之史也陶文毅公創修前志承江南
通志而加詳焉閱五十年中更兵

燹文獻散落官牘墜廢前布政使
新建吳公有憂之於同治八年方
署理巡撫部院亟以重修通志入
告得請後延訪耆舊禮聘文儒開
局於省城惟時兵甲甫定覲文而
匿武遺書殆盡學士流離視文毅

之時其為難易不可以數計然而
大府總成於上監司課功於左右
守令搜輯於下賢士大夫方聞風
學纂述不休逡巡八九年間而後
續舊不廢備載近事而三百五十
卷之書剞劂以就時紹誠承乏布

政使者且三年矣不及慮其始而
樂觀厥成豈非不朽之盛事哉通
志政書也即列國之史也經緯宙
合之大不以一隅而小盧牟方策
之載不以封域而隘曰在德不在
險而山川之氣自壯曰有人此有

土而賢豪之生接踵曰謀國以禮
而學問以為林淵曰為政在人而
事功耀於今古自夫史失其職學
無本原輓近之世至以縣府省志等
諸山經地記資考古而備屬文無
復知其為行政之書列國之史者

則措施之宜無所來古今之蹟無
所統紹誠忝布政司之位兢兢焉
恐不舉其職觀重修通志之成不
敢以空文視之一質之經訓一求
之成憲而樂書其隙穴之見以為
之敘

光緒三年歲次丁丑季春月既望
安徽布政使司布政使紹誠

謹撰



重修安徽通志序

安慶舊府治也康熙中設巡撫駐節於此遂為安徽省復設藩臬兩司如各直省之例又分南北為兩道其疆域跨有江淮上承楚下臨吳南帶浙北連豫水陸之襟喉山河之形勝也至同治中又增置安廬道割南道之安慶北道之廬

重修安徽通志

序

三

州滁和四府州隸之建置甫定歲戊辰予適奉

恩命承乏是職維時前方伯署巡撫新建吳公甫有重修安徽通志之議經始於予蒞任之明年十閱寒暑至光緒四年全書告成予方由臬司署藩司例得弁言簡端夫通志之作非徒紀山川人

物備他日作史者取裁之資而已實欲使官斯土者無事考其盛衰得失思所以補救之方有事覽其治亂險易求所以備禦之策政治龜鑑於是乎在况上溯陶文毅公創修之初距今已五十餘年中值髮逆倣擾安徽當其衝苗逆又繼之被害最久且遍文獻之徵百不一

存是通志之修不可緩而在安徽今日尤不可緩今得在局諸君朝夕編纂始終不懈又得大中丞裕公與諸當事督率講求以觀厥成不可謂非官斯土者之幸與後來者之幸也其間體例視舊志因多創少惟於兵事加詳其忠義節烈二門得諸採訪者較原書多至數

倍則風俗之美與
國家教澤涵濡之深且久更可見其一
端至於人材奮興雲蒸虎變鬱為隆棟
紀於太常一時之盛幾莫與京此蓋天
人叶應鍾毓效靈天下後世皆豔稱之
無俟予之揚摧者已謹序

光緒四年正月署布政使司按察使吳

興王思沂撰

